



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Tractatio Synoptica De Iudiciis Ad Lib: II. Decretal:
Gregorii IX.**

**Herberstein, Ferdinand von
Tabarelli de Fatis, Donato Vincenzo**

Spirens., 1660

12.

urn:nbn:de:hbz:466:1-11416

partium, cui renunciare partes possunt. Quæ ferè ratio est, ob quam quando causæ, quæ non ex speciali mandato hominis, sed ex commissione juris tractandæ sunt summarie, Judici permissum sit, uti processu ordinario: nam cum in jure, videlicet *Clemen. dispendiosa* quæ hujusmodi causas summarias recenset, nullum Judici detur mandatum, sed tantum facultas, procedendi summarie, si ita viderit expedire, non est cur non possit procedere modo ordinario: ut *ibid. Gl.* quia facultas ibi data non ligat illum ad talem modum procedendi, neque partibus favor datus est, nisi ex quadam consequentia, & mediante voluntate Judicis.

12. Quod tamen de usuris in *cit. Clemen.* dicitur, intelligi debet de usuris deductis ad forum Canonicum, quia quando de iis tractatur in tribunali Civili, quod ubique penè jam practicatur, non est causa summaria, sed ordinaria. Causæ ergò summarie præter dictas *sup. n. 10.* censere debent 1. causæ Religiosorum personales, & criminales, *cap. olim de accus. 3.* 2. causæ delictorum levium, *L. levia, ff. de*

ff. de accus. causæ civiles modici præjudicii
 quas Bald. extendit etiam ad 100. aureos,
 alij restringunt ad duos, tresvè aureos,
 alij, & melius, ad arbitrium prudentis
 Judicis remittunt, ex consideratione cir-
 cumstantiarum, personæ pauperis, vel di-
 vitis, patriæ, quæ pecuniâ abundat, &c.
 4. Scholarium seu studiosorum in Uni-
 versitate, tum quia ordinariè censentur
 modici præjudicij, tum quia non dece-
 scholares dum studijs occupantur ad
 publicam Reipublicæ utilitatem litibus
 occupari: tum denique quia complures
 Academia ab utroque supremo Principe,
 tum sæculari, tum Ecclesiastico privile-
 giatæ sunt, ut in causis scholarium sum-
 mariè possint procedere, nullo juris or-
 dine servato.

13. Causas quoque Mercatorum sum-
 marijs Doctores annummerant easque
 neglectis solennitatibus ventilandas cen-
 sent. partim quod in contractibus Mer-
 catorum bonum & æquum exuberare
 debeat: partim quod mercator, dum pe-
 regrinatur, sit persona miserabilis, *Ma-
 rant. sup. Dist. 9. n. 48. Foller. in addit. n. 149.*

Bercich.